

元和郡縣志卷九

唐 李吉甫 撰

河南道 四

滑州 靈昌望

開元戶八千五百二十六 案鄉數傳寫缺

今為鄭滑節度使理所 管滑州鄭州二萬二管縣十四

禹貢兗州之域春秋時為衛國左傳曰狄滅衛衛立戴

公以廬于曹 今州城東北五里白馬 衛文公自曹邑遷

于楚邱 今衛南 衛成公又遷于帝印 今濮州濮陽縣是也 戰國時

元和郡縣志 卷九 一

其地屬魏始皇五年拔魏二十城初置東郡漢因之後

漢末袁紹以曹公為東郡太守東晉時慕容德自鄴南

徙滑臺僭號南燕都于胙城至超徙都廣固為宋所滅

宋武帝既平慕容之後盡得河南之地于此置兗州仍

置東郡宋之北境守在此其城在古滑臺甚險固後魏

宋文帝使王玄謨攻圍二十日不能取隋開皇九年又

于今州理置杞州十六年改杞州為滑州 取滑臺為名 大業

三年又改為東郡武德元年罷郡置滑州二年陷寇四

年討平王世充依舊置滑州

州境東北一百四十里

八到西南至汴州二百里

東南至鄭州三百四十里

正西至衛州一百一十五里

東北至漢州二百一十五里

貢賦開元貢方紋綾

管縣七

白馬 韋城 衛南 胙城 靈昌 酸棗

匡城

元和郡縣志 卷九

二

白馬縣望郭下

本衛之曹邑漢以為縣屬東郡因白馬名隋開皇三年屬

汴州九年屬杞州十六年改杞州為滑州縣又屬焉

白馬山在縣東北三十四里開山圖曰有白馬羣行山

上悲鳴則河決騅走則山崩津與縣蓋取此山為名

黃河去外城二十步

州城即古滑臺城城有三重又有都城周二十里相傳

云衛靈公所築小城昔滑氏為壘後人增以為城甚高

峻堅險臨河亦有臺慕容時宋公遣征虜將軍王仲德

攻破之卽魏武破袁紹斬文醜于此岸者
鹿鳴故城縣北三十里宋書宋將王玄謨據滑臺宣令
走鹿鳴城是也

黎陽津一名白馬津在縣北三十里鹿鳴城之西南隅
酈食其說漢祖曰守白馬之津塞飛狐之口以示諸侯
則天下知所歸矣謂此津也建安五年曹公征先主先
主奔袁紹曹公擒關羽拜爲偏將軍紹遣顏良攻劉延
子白馬曹公使羽擊之羽刺殺良于萬眾之中遂解白
馬之圍後慕容德爲魏軍所逼率戶四萬餘徙于鹿鳴

元和郡縣志

卷九

三

達黎陽津昏而冰合是夜濟河訖旦而魏師至冰亦尋
泮德悅以爲神助因改黎陽津爲天橋津

河侯祠在縣南一里漢王尊爲東郡太守河水盛浸瓠
子隄尊臨決河不去後人嘉尊壯節因爲立祠

韋城縣

上西北至州六十里

本漢白馬縣地殷伯豕韋之國也左傳范宣子曰昔我
之祖在夏爲御龍氏在商爲豕韋氏杜注東郡白馬縣
東南有韋城是也隋開皇六年分白馬縣南境置韋城
縣屬汴州九年屬杞州十六年屬滑州

京觀在縣北二百步王莽篡漢東郡太守翟義舉兵莽遣將王邑等八將敗義于此乃築焉俗號髑骨臺

衛南縣

上西南至州五十五里

本漢濮陽縣地隋開皇十六年于此置楚邱縣屬滑州後以曹州有楚邱縣改今名

鐵邱在縣東南十里

故鉏城在縣東十五里左傳后羿自鉏遷于窮石是也
胙城縣 上北至州九十里

本古之胙國左傳凡蔣邢茅胙祭周公之脣也又爲古

元和郡縣志

卷九

四

之燕國左傳魏人燕師伐鄭是也漢爲南燕縣其後慕容德都之復號東燕縣隋開皇三年廢東郡以縣屬汴州十八年文帝因覽奏狀見東燕縣名因曰今天下一統何東燕之有遂改爲胙城屬滑州武德二年于此置胙州領胙城又置東燕縣四年廢州胙城屬滑州
石邱在縣東北三十里俗傳漢成帝時星隕之名也
濮水縣南二十里西南自酸棗縣界流入

靈昌縣

上東北至州七十里

本漢南燕縣地自漢至隋不改開皇十六年分東燕酸

棗二縣置靈昌縣取靈昌津以爲名屬滑州

黃河在縣北一十里

赤眉故城在縣東二十四里漢末赤眉賊帥樊崇築

延津卽靈昌津也在縣東北二十二里初石勒伐劉曜

至河渚不得度時流漸下流因風結冰濟訖泮勒自以

爲得天助故號靈昌津又左傳鄭太叔收貳以爲己邑

至于廩延又曹公北救劉延至延津皆此津也

酸棗縣

望東北至州一百二十里

本秦舊縣屬陳留郡以地多酸東其仁入藥用故爲名

元和郡縣志

卷九

五

後魏併入小黃宣武帝復置改屬東郡隋開皇三年屬

汴州九年屬杞州十六年改屬滑州

黃河在縣北二十里

酸棗故城在縣西南十五里六國時韓王所理處舊址

猶存

金堤在縣南二十三里漢文帝時河決酸棗東潰金堤

卽此堤也

匡城縣

上西北至州一百里

古衛之匡邑論語子畏于匡至漢爲長垣縣地自漢至

後魏不改隋開皇十六年于此置匡城縣屬滑州

故匡城在縣西南十里

故蒲城在縣北一十五里左傳齊侯衛侯胥命于蒲子
路為蒲宰皆此也

訾婁故城縣西北十六里

故鶴城縣西南十五里衛懿公養鶴于此

鄭州 滎陽雄

開元戶六萬四千六百一十九 鄉一百二十四
元和戶一萬三千九百四十四 鄉一十八

禹貢豫州之域春秋時為鄭國本高辛氏火正祝融之

元和郡縣志

卷九

六

墟也周宣王母為友為周司徒食采于鄭是為鄭桓公
後幽王為犬戎所殺桓公死之其子武公與平王東遷
平定虢郟之地故左傳曰我周之東遷晉鄭焉依是也
自武公後二十二公至六國時鄭為韓哀侯所滅哀侯
二年韓自平陽徙都鄭秦并天下屬三川郡漢高祖改
三川為河南郡滎陽屬焉晉武帝分河南置滎陽郡東
魏孝靜帝分滎陽置成臯郡高齊文宣帝又改為滎陽
郡周改為滎州隋開皇三年改滎州為鄭州十六年分
置管州大業二年廢鄭州改管州為鄭州隋末陷賊武

德四年五月擒建德王世充東都平其月置鄭州理虎
牢其年又于今鄭州理置管州貞觀元年廢管州七年
自虎牢移鄭州于今理

州境東西北西一百七十六里

八到西至東至都二千一百四十里

東至許州一百八十六里

北至黃河八百里

貢賦開元麻黃絹

管縣七

元和郡縣志

卷九

七

管城 滎陽 滎澤 原武 陽武 新鄭

中牟

管城縣望郭下

本周封管叔之國自漢至隋皆為中牟縣開皇十六年
于此置管城縣屬管州大業三年改管州為鄭州縣又
屬焉

梅山縣西南三十里春秋時楚蔦子馮率師侵費滑右
過梅山即此山也

圃田澤縣東三里

故市城縣西北三十里曹公擊袁紹軍于故市卽此城也

武強城縣東三十一里曹參擊項羽還攻武強卽此城也

祭城縣東北十五里

邺城縣東六里晉荀林父帥師與楚子戰于邺卽此城也

李氏陂縣東四里後魏孝文帝以此陂賜僕射李冲故俗呼爲僕射陂周迴十八里

元和郡縣志

卷九

八

滎陽縣

緊東至州六十里

本漢舊縣屬滎陽郡高齊改郡名成臯以縣屬焉隋開皇三年罷郡以縣屬鄭州萬歲通天元年改爲武泰縣仍隸河南府神龍初復爲滎陽屬鄭州

京水出縣南平地

索水出縣南三十五里小陘山

古大索城今縣理是也楚漢戰于京索間漢書注京縣有大索亭小索亭晉末滎陽人張卓董遇鳩集流散守固此城因名大柵塢今呼爲大刺蓋音之訛耳

小索城縣北四里宋南平王鑠遣王陽兒據小索破魏
卽此城也

京縣故城縣東南二十里卽鄭京城太叔之邑

滎澤縣

望東南至州五十里

本漢滎陽縣地隋開皇四年分滎陽置廣武縣取山爲
名仁壽九年改爲滎澤屬鄭州

廣武山縣西二十里一名三皇山

敖山縣西十五里春秋時晉師救鄭在敖郟之間敖郟
二山名宋武北征記曰敖山秦時築倉于山上漢高祖

元和郡縣志

卷九

九

亦因敖倉山築甬道下汴水卽此山也

黃河北去縣十五里

滎澤縣北四里禹貢濟水溢爲滎今濟水亦不復入也
東廣武西廣武二城各在一山頭相去二百餘步在縣
西二十里漢高祖與項羽俱臨廣武而軍今東城有高
壇卽是項羽坐太公于上以示漢軍處

踐土臺故王宮縣西北十五里北臨汴水南帶三皇山
秦所置仲丁遷于囂此也詩搏獸于敖卽此

金堤縣西北二十二里漢文帝時河決酸棗潰金堤東

郡大興卒塞之武帝時王尊爲東郡守又加修築至明
帝永平十二年詔樂浪人王景築堤起自滎陽東至千
乘海口千餘里十里立一水門更相迴注無復潰漏之
患此隄首也

原武縣

繫南至州六十里

本漢舊縣屬河南郡後魏屬滎陽郡東魏改置廣武縣
又屬焉高齊天保七年郡縣並廢隋重置原武縣屬鄭
州武德四年屬管州貞觀元年復屬鄭州

黃河縣北二十里

元和郡縣志

卷九

十

古陽池城竹書紀年曰惠王十五年遣將龍賈築陽池
以備秦卽此也開皇六年于此置縣今縣理

陽武縣

繫西南至州一百里

本漢舊縣屬河南郡晉屬滎陽郡

黃河縣北三十里

南棣城北棣城二故城在縣北十里春秋楚伐陳諸侯
會于北棣以救之此也

汴渠一名葭宕渠今名通濟渠西南自滎澤管城二縣
界流入

博浪沙縣東南五里張良爲韓報仇擊始皇處

新鄭縣

繫東北至州九十里

本有熊氏之墟又爲祝融之墟于周爲鄭武公之國都韓哀侯滅鄭自平陽徙都之秦并天下其地爲潁川郡漢以爲新鄭縣屬河南郡晉省隋開皇十六年重置屬鄭州

陘山縣西南三十里史記魏敗楚于陘山山上有子產墓墓累石爲方墳墳東有廟皆東向卽杜元凱終制所言者

元和郡縣志

卷九

十一

函陵縣北十三里左傳晉侯秦伯圍鄭晉軍函陵秦軍汜南此也

溱州府城卽東魏河南道行臺侯景營軍之壘

溱水源出縣西北三十里平地

鄆城縣東北三十二里

洧水縣西北二十里灌潁渠首受洧水西魏遣王思政固守長社城東魏相高澄遣將清河王高岳攻之築堰通洧水渠灌破長社城卽此渠也

中牟縣

繫西至州七十里

本漢舊縣屬何南郡晉屬滎陽郡魏太武帝省東魏孝靜帝分滎陽置廣武郡隋氏避諱改爲內牟屬管州今縣理是也開皇十八年改爲圃田縣大業十三年陷李密武德三年李勣招撫東夏于此置牟州復改爲中牟貞觀元年屬汴州龍朔二年復隸鄭州縣理卽古中牟故城論語佛肸以中牟叛後漢魯恭爲縣令有善政人爲立祠

圃田澤一名原圃縣西北七里其澤東西五十里南北二十六里西限長城東極官渡上承鄭州管城縣界曹元和郡縣志

家陂又溢而北流爲二十四陂小鵠大鵠小斬大斬小灰大灰之類是也

卷九

官渡臺俗號中牟臺亦名曹公臺在縣北十二里曹公破袁紹于此

許州 穎川望

開元戶五萬九千七百一十七 鄉一百一十七
元和戶五千二百九十一 鄉五十七

今爲陳許節度使理所 管許州陳州管縣二十三
管戶九千三百二十九

禹貢豫州之域周又爲許國春秋定公六年鄭滅許七

年又封許自是附庸于鄭周末爲晉地三卿分晉其地屬韓秦滅韓虜韓王安以其地置潁川郡理陽翟漢高帝五年爲韓國以韓信爲王六年復爲潁川郡後漢獻帝初遭董卓之亂遷都長安卓死東歸于洛魏太祖迎帝都許及魏受禪改許縣爲許昌縣然魏雖都洛而宮室武庫猶在許昌又析潁川增置襄城縣晉咸和二年征西庾亮表成帝曰潁川襄城本是一郡戶口今少請還合潁川從之宋受禪後魏明帝使達奚斤伐宋長驅至虎牢潁川許並入于後魏後又陷于東魏高澄就古

元和郡縣志

卷九

十三

潁陰城改置南鄭州卽今州城是也隋仁壽元年改南鄭州爲許州隋末陷王世充武德四年世充平復爲許州

州境東南西北一百六十七里

八到西北至上東都三千二百四十里

正東南至陳州二百六十里

東北至鄭州一百八十六里

貢賦

開元賦貢

蔗心綿絹

乾柿

管縣七

長社 長葛 許昌 鄢陵 臨潁 舞陽
扶溝

長社縣

望郭下

本漢舊縣屬潁川郡春秋時鄭長葛地其社中樹暴長漢更名長社後漢屬郡不改隋開皇三年罷郡以縣屬汴州大業三年改爲潁川縣武德四年復爲長社改屬許州

潁水西南自襄城縣界流入

潁水俗名勅水經縣西其源出密縣大騭山

元和郡縣志

卷九

十四

長葛縣

緊南至州六十里

本漢長社縣地隋分置長葛縣屬許州取舊名
洧水自北流入去縣十三里

長箱城東魏武定五年清河王高岳率眾圍西魏將王思政于潁川因築此城初以車箱爲樓因名長箱城隋開皇六年又于此立縣今縣理是

長葛故城縣北十三里

長社故城縣西一里西魏大統十三年詔遣河南行臺大都督王思政進據潁川東魏遣將清河王高岳率眾

十萬圍潁川思政不與戰岳造高堰引流水以灌城十五年潁川城陷水自東北入城思政爲岳所執卽此城也

東偏城縣東北五里左傳齊人鄭人伐許許莊公奔衛鄭伯使百里奉許叔居許東偏卽此城也

許昌縣 上西南至州五十五里

本許國爲楚所滅至漢爲縣屬潁川郡後漢因之魏太祖迎獻帝都許文帝受禪改爲許昌宋志無許昌縣天平元年復置今縣理是也高齊文帝省鄆陵入許昌隋

元和郡縣志

卷九

十五

文帝又于鄆陵縣置洧州以縣屬焉大業二年廢洧州以縣屬許州初魏武旣破黃巾經略四方而苦軍食不足羽林監潁川棗祇建置屯田于是以任峻爲典農中郎將募人屯田許下得穀百萬解郡國列置田官數年之間所在倉儲盈積

洧水西北自長葛縣流入去縣三十里

故許昌城縣南四十里卽許國故城

許昌宮在許昌故城中楊修作許昌宮賦卽此宮也

魯城縣南四十里左氏鄭伯請以太山之枋易許田而

祀周公卽此城

景福殿基址今在許昌故城內西南隅

鄆陵縣 上西南至州七十五里

本漢舊縣屬潁川郡春秋鄭伯克段于鄆晉楚戰于鄆陵並此地後魏潁川置許昌郡仍立鄆陵縣以屬焉高齊文宣帝廢鄆陵以其地入許昌縣隋開皇三年復置屬許州十六年又于縣理置洧州縣仍屬焉大業二年廢洧州以鄆陵屬許州

洧水西北流入經縣西十里

元和郡縣志

卷九

十六

鄆城故城縣西北十五里

太邱城縣西南二十里陳寔嘗爲此縣長

故陶城縣南五十里相傳晉陶侃征杜弼所築

臨潁縣 上西北至州六十里

本漢舊縣屬潁川郡歷代因之隋開皇三年罷郡以縣屬許州大業四年自故城移于今理建中二年屬澠州貞元二年州廢依前屬許州

臨潁阜東西長五十里卽龍脾岡也嵩高山東南三百里有龍脾其地沃壤可居卽此岡也今臨潁縣理在岡

上

潁水西北自長社縣界流入

繁昌故城縣西北三十里魏文帝行至繁陽亭築壇受
禪因置繁昌縣卽此城也

舞陽縣 上東北至州一百六十里

本漢舊縣屬潁川郡在舞水之陽因名漢封樊噲魏封
司馬宣王並爲舞陽侯皆此邑自漢至晉不改宋省開
元四年重于故城內置

扶溝縣 望西至州一百一十里

元和郡縣志

卷九

十七

本漢舊縣屬淮陽國後漢屬陳留郡魏屬許昌郡高齊
文宣帝自今縣北移于今理武德四年置北陳州縣隸
焉其年廢州以縣屬洧州九年洧州廢又屬許州

洧水縣西二十二里

陳州 淮陽上

開元戶五萬二千六百九十二
元和戶四千三十八
鄉一百四
鄉三十一

禹貢豫州之域本太昊之墟周武王封媯滿于陳春秋
時楚城之秦滅楚屬潁川郡漢高帝分潁川置淮陽國
後漢章帝改爲陳國獻帝末陳王寵爲袁紹所殺國除

爲陳郡曹魏復爲陳國以東阿王植爲陳王植子志徙封濟北又爲陳郡晉宋因之東魏孝靜帝以淮南內附置北揚州理項城乃于項城僑立北丹陽郡及稜陵縣高齊文宣帝以百姓守信不附侯景改北揚州爲信州周武帝改信州爲陳州隋開皇二年改爲沈州大業二年廢沈州入陳州三年改爲淮陽郡武德元年復爲陳州

州境東至亳州二百八十里
西至許州二百六十里
南至宋州二百二十里

八到西北至東都六百六十里
西至上都一千五百二十里

元和郡縣志

卷九

東南至亳州二百三十里

西北至許州二百六十里

西南至蔡州二百二十五里

貢賦開元 粟 綿 麥 絹

管縣六

宛邱 太康 項城 南頓 澉水 西華

宛印縣緊郭下

本漢陳縣春秋時楚滅陳縣之秦漢仍爲陳縣漢屬淮陽國後漢屬陳郡晉屬梁國宋屬陳郡高齊文宣帝省

陳郡仍移項縣理于此隋文帝罷陳郡改項縣爲宛邱縣

陳州州城枕蔡水周迴三十里

宛邱縣南三里爾雅陳有宛邱又邱上有邱爲宛印注四方高中央下曰宛

固陵縣西北四十三里項羽敗南走固陵此也

洧水西自許州鄆陵縣界流入

蔡州自西北流入經縣理東一里

州理城楚襄王所築卽古陳國城也包羲氏神農氏並

元和郡縣志

卷九

十九

都于此及楚頃襄王爲秦所伐失鄆郢徙都于陳卒爲秦所滅

弩臺在縣理古陳城南八十步後漢陳敬王曾孫寵善弩射十發皆同處常于此臺教弩黃巾賊起寵有强弩千張故惟陳國保全開元九年移孔子廟于臺上東門池在州城東門內道南詩陳風東門之池可以漚麻卽此池

八卦臺及壇縣北一里古伏羲氏始畫八卦于此

太康縣

緊南至州七十里

本漢陽夏縣地屬淮陽國後漢屬陳國後魏孝昌四年置陽夏郡以縣屬焉隋文帝改陽夏爲大業縣蔡水西北自汴州尉氏界流入

渦水首受蔡水東流經縣北

縣理城卽漢陽夏縣城夏后太康所築漢五年高祖追擊項羽至陽夏南羽敗走固陵是也

項城縣 上西北至州一百里

漢項縣古項子國春秋齊師滅項至楚襄王徙都陳以項爲別都按此城卽楚築在漢屬汝南郡晉屬陳國隋

元和郡縣志

卷九

二十

文帝改項縣加城字屬陳州東晉孝武時秦將苻融攻陷壽春苻堅捨大軍于項城輕騎八千兼道赴之時有謠曰堅不過項堅出令曰敢言吾在壽春者拔其舌眾諫不從堅遂敗

武邱縣東南四十里本名邱頭魏王淩密謀廢立司馬宣王將中軍討淩大軍掩至百尺堰淩自知勢窮軍到邱頭面縣水次因改邱頭爲武邱以旌其功卽此也

小汝水西南流入去縣五十里

公路故城縣東四里漢末袁術所築

故誘城縣北三十里魏母邱儉作亂西至項鄧艾督軍至樂嘉以誘之後人因謂之誘城

百尺堰縣東北三十五里司馬宣王討王凌軍至百尺堰卽此地

南頓縣 上北至州七十五里

本漢舊縣屬汝南郡古頓子國後逼于陳南徙故號南頓其城楚令尹子玉所築後漢世祖父欽嘗爲此縣令故號南頓君光武生于此縣中宋爲南頓郡東魏于此置和城

縣北齊廢郡省縣入和城隋復爲南頓縣屬陳州武德

元和郡縣志

卷九

二十一

六年省入項城證聖元年以縣有光武鄉名符武氏遂于此置光武縣中宗復爲南頓

潁水縣西北三十里

小汝水縣西南四十里

高陽邱縣南四十里應瑒南頓人兄弟俱有名自此高陽氏才子故號高陽邱

澉水縣 上北至州八十四里

本漢汝陽縣屬汝南郡晉屬汝南國宋又屬汝陽郡隋開皇三年屬陳州十六年改汝陽爲澉水縣建中二年

屬澱州興元二年澱州廢改屬陳州

澱水經縣北去縣三里

漑灌城縣東北二十五里本魏將鄧艾所築艾爲典農使行陳潁之間東至壽春艾以爲田良水少不足盡地利遂開築陂塘大興漑灌軍儲豐足因名此城

乾谿臺在縣北三里左傳楚靈王有乾谿之臺卽此也

西華縣 上東至州八十里

本漢舊縣屬汝南郡後漢因之晉無西華縣宋復置屬陳郡高齊省後魏太和中復置武城縣神龍元年又爲

元和郡縣志

卷九

二十二

基城景雲復爲西華

潁水縣南二十里

洧水縣西二十里

集糧城在縣西十里魏使鄧艾營田築之貯糧故名

元和郡縣志卷九